



Uunga  
Inatsisartunut ilaasortaq  
Doris J. Jensen  
Siumut

15-01-2019  
Suliap nr. 2019 - 367  
All. suussusaa. 9739326

## **Nunani avannarlerni siusinaartumik pensionisiallit pillugit § 37 329-2018 naapertorlugu akissut**

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat +299  
34 66 66  
E-mail: iian@nanoq.gl  
www.naalakkersuisut.gl

Asasara Doris J. Jensen

Siusinaartumik pensionisiallit nunani avannarlerni allani najugallit pillugit apeqqutinnut qujanaq.

Naalakkersuisunut apeqqutigisatit:

### **1. Paasitineqarusuppunga kalaaleqatigut nunani avannarlerni najugallit siusinaartumik pensionisiallit pillugit inatsisit allannguuteqarnerinut ilaatinneqassanersut?**

2018-mi Inatsisartut ukiaanerani ataatsimiinneranni siusinaartumik pensionisiat pillugit Inatsisartut inatsisaata allanngortinneqarnera, Inatsisartut inatsisaat nr. 6, 27. november 2018-imeersoq, § 17, imm. 4 kiisalu § 29 pillugit allannguutilik akuerineqarpoq. Kalaallit siusinaartumik pensionisiallit nunani avannarlerni naalagaaffeqatigiinnerup avataanni najugallit, § 17, imm. 4 malillugu qaffasinnerpaamik siusinaartumik pensionisiat qartitaasimagunik, § 17, imm. 4-mi aalajangersakkamut ilaatinneqassapput.

### **2. Ilanngullugu paaserusuppara nunani avannarlerni siusinaartumik pensionisiallit kikkut akisussaaffiginerai aamma kikkut siusinaartumik pensionisiat akilertarneraat?**

Siusinaartumik pensionisialik Kalaallit Nunaanniittoq nunat avannarliit arlaannut Naalagaaffeqatigiinnerup avataaniittumut nuukkaangami, Kalaallit Nunaanni siusinaartumik pensionisiat brøkinngorlugit naatsorsorneqarnerannik suli pisartagaqartinneqartarpoq, tassa Kalaallit Nunaanni siusinaartumik pensionisiat nunani avannarlerni arlaannut nuunnermi Kalaallit Nunaanni najugaqarnerup sivirususaa naatsorsorneqartarpoq. Siusinaartumik pensionisialik pillugu suliaq, aningaasartuutaasut ilanngullugit, Kalaallit Nunaanni kommunimit Isumaginninnermut Inatsisinillu Atuutsitsinnermut Naalakkersuisoqarfimmu/Isumaginninnermut Aqutsisoqarfimmu nuunneqartarpoq.

Isumaginninneq pillugu qulakkeerinninneq pillugu Nunat avannarliit isumaqatigiissutaata, Kalaallit Nunaata akuerisimasaata, innuttaasut nunat avannarliit akornanni nuukkaangata qanoq ililluni pensionimik akuersisoqartarnersoq pillugu tunngaviliisuvoq.

Inussiarnersumik inuulluaqqusillunga



Martha Abelsen